



Center Cumünal Zernez - adattamaints scouline - decisiun da princip

Illas localitats da las scoulinas chi's rechattan i'l Center Cumünal a Zernez sun previs adattamaints per optimar las grondezzas e per s-chaffir lö per tuot ils scolarians. Il gremi respunsabel ha acconsenti l'inizi dal proget e surdat las lavurs da müradar a la firma Foffa Conrad AG, Zernez e las lavurs da falegnam a la firma Bott il falegnam, Zernez.

Sanaziun sarinera Zernez - lavurs d'indschegner etappa 2023 - surdatta da lavur

L'etappa 2023 da las lavurs d'indschegner per la sanaziun da la sarinera Zernez sun gnüdas surdattas a la firma Caprez SA, Zernez.

Progettaziun Sfuondrà - surdatta da lavur

Per proseguir cullas lavurs d'infrastructura d'üna lingia d'aua meteora e dal provedimaint electric i'l territori Sfuondrà in connex cul proget sanaziun Via Maistra Zernez ha il cumün surdat las lavurs d'indschegner per quist proget al büro Caprez SA, Zernez. La realisaziun es prevista pel 2024.

Via Champatsch Zernez - refacziun asfalt - surdatta da lavur

La via champestra Champatsch a Zernez es in ün nosch stadi ed ha pati suot las lavurs da fabrica in connex cun las pütas d'ota tensiun da la Swissgrid. Ils dons sün gnüts calculats in fuorma d'ün credit supplementar chi stà a disposiziun al cumün per refar tocs plü gronds da las vias üttilisadas. Previs esa da fresar la vetta d'asfalt existenta, dovrar tala sco plania e surtrar tuot la via cun üna nouva vetta d'asfalt. Quistas lavurs sun gnüdas surdattas a la ditte Hew AG, Zernez.

Il Cumün da Zernez ha acconsenti ils seguaints permiss da fabrica:

Parcella no. 0050, Hotel Baer & Post AG, Zernez – indriz da wellness cun pool - müdamaint da proget

Parcella no. 0066, Caprez Ingenieure AG, Zernez – drizzar aint büros - Chasa Fuschina EG

Parcella no. 0102, Wieser Karl e Eliana, Zernez – restructuraziun e sanaziun chasa d'abitar e tablà

Parcella no. 0107, Denoth Guolf e Daniela, Zernez – saiv sco protecziun da vista

Parcella no. 1184 (151), Parc Naziunal Svizzer, Zernez – indriz fotovoltaic sün tet

Parcella no. 2055, Castillo Sola Eusebio Javier e Priska, Susch – pompa da chalur ajer/au

Zernez Energia 2020 – dumonda da sustegn

Ün'ulteriura dumonda da sustegn per sanaziuns energeticas d'abitaculs illa fracziun da Zernez our dal fondo Zernez Energia 2020 es gnüda approvada.

Burning Mountain - permiss 2023

La suprastanza cumünala ha acconsenti a la società Burning Mountain il permiss per manar tras il festival d'ürant ils 22 fin 25 g'ün 2023.

Radunanza cumünala - tractandas definitivadas dals 22 mai 2023

La suprastanza cumünala ha approvà la glista da tractandas definitiva per la radunanza cumünala dals 22 mai 2023. A quista radunanza vain preschantà principalmaing il rendaquint 2022. Ün'ulteriura tractanda sarà la revisiun parziala da la ledscha cumünala da chamonnas a man da la votaziun a l'urna.

Survista dals progets e da las pendenzas

La suprastanza cumünala ha discus sur da tuot ils progets e las pendenzas da mincha suprastanta e mincha suprastant. Uschè es la suprastanza orientada sur dals progets chi sun actualmaing in trais-cha.